

Azpeitiko ikastolako pribatuaren aldekoek bihar aztertuko dute «soluziobidea»

Publikoaren aldekoek, auzia Hezkuntzak eta pribatukoek konpondu behar dutela uste dute

Aste gatazkatsua izan ondoren, baliteke bi urte eta erdi iraun duen Azpeitiko ikastolako auzia konpontzeaz izatea. Jakina denez, ostegunean bildu ziren eztabaidan zerikusia duten aldeak Jaurilaritzako Hezkuntza Sailarekin. Proposatutako irtenbidea, pribatuaren aldekoek duten egoitza falta konpontzeko prefabrikatuak eraikitzea da. Edonola ere, bihar aztertuko dute aukera horretako gurasoek eskaintza onartu edo ez.

IDURRE ESKISABEL / DONOSTIA

Ostiralean normaltasuna itzuli zen Azpeitiko ikastolara. As-tearte eta asteazken gatazkatsuen ondoren, ostegunean Jaurilaritzako Hezkuntza Sailarekin bileran izan zuten auzian zerikusia duten alde guztiak, eta konponbiderako oinarritzako proposamena sortu zen bertatik. Egoitza falta da partaidetza sozialeko ikastola izaten segitzearen alde daudenek euren proiektua aurrera eramateko duten arazo nagusia, eta horri aurre egiteko hemendik hilabetera prest egongo diren prefabrikatuak eraikitzea proposatu zitzaizen. Bitartean, Azpeitiko beste ikastetxe batzuen egoitzetan ez dute arazorik izango euren eskolak normaltasunez emateko.

Prefabrikatuen irtenbidea hiru urterako izango litzateke eta Azpeitiko Udalak lagunduko lieke egoitza horiek eraikitzeke behar dituzten baliabideetan. Edonola ere, pribatuaren aldeko gurasoak bihar dira biltzekoak eta orduantxe erabakiko dute proposamena onartu edo ez. Bien bitartean, pribatuaren aldeko gurasoak biltzen dituen Badok 13 elkarteak kideak ez dute adierazpenik egin nahi izan.

Publikoaren alde daudenek, berriz, Izarraizpe Kooperatibako Batzordean aztertuko dute jada proposamena, eta argi eta garbi daukate konponbidea Hezkuntza Saila eta pribatuaren aldekoen



Pribatuaren aldekoak bihar bilduko dira.

ANDER GILLENEA

artean hitzartu beharko dela. «Kooperatibak dituen egoitzekin ezin du ezer egin, berak behar dituelako guztiak; ezin ditu eman. Ondorioz, pribatukoek euren lokalak inguratu beharko dituzte eta Hezkuntza Sailak behar diren baimenak eman. Kon-

ponbidea Hezkuntza Saila eta pribatukoaren artean sortu beharko da, eta publikoaren aldekoak eta Kooperatibako Batzordea kanpora geratzen dira hortik», azaldu du Jon Amenabar Azpeitiko ikastolako zuzendariak.

Gauzak honela, badirudi bi ur-

te t'erdi luze iraun duen arazoa eta hainbat iskanbila sortu dituen konpontzeko bidean dela. Pribatukoek bihar aztertuko dute proposamena eta asteazkenean berriro bilduko dira alde guztiak Hezkuntza Sailarekin behin-betiko adostasuna lortu asmoz.

Parlamentari euskaldunei agerpenak euskaraz egiteko eskatzen die EHEk

DONOSTIA

Hego Euskal Herriko legebiltzarretan euskararen «erabilera maila eskasa» salatu du Euskal Herriaren Euskaraz (EHE) taldeak.

Nafarroako kasuan, administrazioa euskalduntzeko plangintza oraindik egiteke dagoela ekarri du gogora EHEk. Ondorioz «nabarmena da arduradun politikoen zabarkeria euskararekiko: 44 parlamentaritik 6 euskaldun bakarrik. Osoko bilkuretan erabilera % 7aren inguruan». Gasteizko Legebiltzarrean arazoa beste maila baten kokatu behar da EHEren ustez, administrazioa euskalduntzeko planak bost urte bete baititu. Gasteizko Legebiltzarreko 75 parlamentarietatik 32 (% 42) euskaldunak

dira, «baina euskararen erabilera minimoetan dago: % 9-10 ple-noetan eta % 8 batez beste batzordeetan».

Urte legislatiboaren hasieran, irailaren 27an egindako plenoan, parlamentari euskaldunek oso euskara gutxi erabiltzen dutela ikusi ahal izan da EHE taldearen ustez. Ondorioz zenbait hausnarketa egin ditu taldeak: «Euskararen normalizazioak euskaldunok euskara erabiltzea eskatzen du. Politikarien kasuan honetako garrantzi berezia hartzen du, areago komunikabideen bidez parlamentariaren irudi eta hitzak etxe guztietara sartzen direnean».

Guzti hau kontuan izanik EHEk «publikoki eskatzen die bi legebiltzarretako parlamentari

euskaldunei agerpenak euskara hutsez egin ditzaten, aldibereko itzulpen sistemarekin komunikazioa gordetzen baita». Horrek euskararen normalizazioari bultzada garrantzitsua emango diola uste du talde honek. Eskara hau jakinaratzeko EHEko kideak Gasteizko Legebiltzarrean aurrean bilduko dira urriaren 6an egingo den hurrengo bilkuran.

Era berean komunikabideei dei berezia egiten die EHEk: «Komunikabide guztiei gogorazi nahi diegu parlamentariaren euskarazko agerpenak errespetatu eta honen itzulpen azpitu-latua erabiliz lagun dezaketela bizitza politikaren euskalduntzea, bere funtzio soziala asumituz eta herri honen euskalduntzeko borondatea errespetatuz».

Lizarrako ikastolak bere 25. urtemuga ospatu zuen atzo

IRUNEA

Lizarrako ikastolak 25. urtemugaren ospakizun haundiena atzo egin zuen, urtean zehar hainbat ekitaldi kultural eta euskara bultzatzera zeudenak antolatu baititu urtemuga dela eta. Mikel Deunaren egunarekin batera, ikastolako festa dianarekin hasi zen goizeko 9etan. Ondoren, goizeko 10etan meza izan zen Lizarrako Donibane elizan. Baina ekitaldi nagusia 11etan izan zen ikastolako atarian. Ekitaldian, Alberto Albaigar, ikastolako gurasoen elkar-teko presidentek, Lizarrako ikastola 1970 sortu zenetik aurrera ateratzeko hainbat taldeen lana nabarmendu zuen. Albaigarraren erran zuenez, egun, ikastetxeak dituen erronka garrantzitsuenak, Derrigorrezko Bigarren Hezkuntza (DBH) ezartzea eta irakaskuntza metodoaren hobekuntza egitea dira.

Ospakizunetan, Fermin Altzugarai, Nafarroako Ikastolen Federazioko ordezkari gisa eta Jose Maria Satrustegi Euskaltzaindiaren izenean izan ziren. Nafarroako Gobernutik Iñaki Cabases Industria, Merkataritza eta Turismo kontseilaria izan zen eta Euskal Autonomi Elkarteko Gobernutik Mari Karmen Garmendia Kultura sailburua izan zen Lizarran.

Ekitaldi ofizialaren ostean, Antonio Sanz de Galdeanok egindako oroi-garria zabaldu zuten ikastolan bertan. Plaka oroi-garrian, izarra lau lauburuz inguratutako agertzen dira eta ikastolako ikasle zaharren izandakoak eta egungo gazteenak agertu zuten jende aurrean. Segituan ikastolako bi gazteak aurrerakua dantzatu zuten. Ordubi t'erdiak aldera, bazkaria izan zuten urtemuga ospatzeko.

HILDAKOAK

ARABA

- GASTEIZ Abilio Pinedo Egiluz, 79 urte. Anjel Cordero Zurdo, 72 urte. Jovita Ibañez Ruiz de Samaniego, 79 urte.
- AIARA Estibaliz Berganza Diez, 33 urte.

BIZKAIA

- BILBO Miren Agirre Artetxe, 82 urte. Pedro Saez, 66 urte. Agustín Hurtado Valledor, 70 urte. Pedro Villanueva Ignacio, 27 urte.
- ALGORTA Jose Luis Galdiz Hormaetxea, 93 urte.
- BARAKALDO Jose Manuel Montesinos Boya, 51 urte.
- BASAURI Natividad Gonzalez Pereda, 86 urte.
- GERNIKA Piedad Jauregi Arriola, 67 urte.
- LEMOA Bibiana Marcos Gonzalez, 84 urte.
- SANTURTZI Romualdo Orubeondo Uriarte, 71 urte.

GIPUZKOA

- DONOSTIA Joaquina Costa Cortada, 85 urte. Amparo Cordero Diaz, 77 urte.
- ARETXABALETA Vicente Padilla Ibarquen, 82 urte.
- AZPEITIA Jesus Arruti Etxeberria, 58 urte.
- BEASAIN Federico Sanchez Varas, 54 urte.
- OÑATI Jose Ignacio Alzelai Zumalde, 90 urte.
- ZALDIBIA Pedro Sukia Arruabarrena, 91 urte.
- ZARAUZ Cristina Etxabe Uria, 2 hilabete. Julia Arzallus Abendivar, 74 urte.

LAPURDI

- BAIONA Paul Durand, 88 urte. Elisabeth Thornari, 83 urte.
- AHETZE Marie-Jeanne Duhart, 60 urte.
- ANGELU Claude Delarochie. Marie Kramer, 84 urte.

- DONIBANE LÖHIZUNE Jeannine Olaskoaga, 64 urte.
- LEHUNTZE Boris Laumonier, 17 urte.
- MIARRITZE Lucie Rey, 81 urte.
- MUGERRE Carmen Bernos de Gasztold.

NAFARROA

- IRUÑEA Florencio Aleman Orikain, 85 urte. Francisca Hernando Capilla, 90 urte. Maria Rosario Sandua Legasa, 81 urte. Bibiana Andueza Olaiz, 96 urte. Asuncion Ramirez Martinez.
- BURLATA Francisco Jimenez Gomez, 82 urte.
- GETZAUZE Jose Luis Valencia Idurain, 66 urte.
- LEKAROS Antero Iturriria Gofii, 50 urte.
- TUTERA Facundo Laborda Itsaso, 69 urte.

ESKELAK

ESKELAK
ARRATSEKO 7AK
ARTE HARTZEN DIRA:
(943) 300 222